



Gli effetti delle bombe al fosforo

Natali di sangu

**Ni li terri unni Cristu / ni sti iorna vitti la luci
un populu chiangi sangu / e tanti mammi ca fannu vuci
la loru curpa è d'essiri nati / ntra na terra ca ci arrubbaru
pi difennila cu ugna e denti / li Sraeliani la bummaru.**

**In Palestina stannu muriennu / vecchi, fimmini, tanti carusi
n'antra stragi di nnuccenti / cumincià Erodi e progenia conclusi
senza pani, acqua, e travagliu / ncelu bummi a puestu di stiddri
distrugginu "Chiesi" famigli e casi / nziemmula a tanti picciriddri.**

**Si chisti canuscieru la pirsicuzioni / comu pottiru farisi aguzzini
cu la "vecchia raggiuni" di la forza / ammazzanu genti comu fussiru cani.**

**Chista è storia ca si ripeti / vi ricordati di Sabra e Chatila?
migliaia di muerti miezzu li strati / ammunziddrati cu ncapu na tila.**

**Cinquant'anni di sta tragedia / ca a nuddru nteressa e nuddru cridi
un muertu "Biancu" vali milli d'iddri / e sulu tannu quarcunu ci vidi.**

**La verità è ca la raggiuni / è di cu avi l'esercitu cchiù putenti
pi chissu iddri sulamenti sunnu / li cani di guardia di l'Uccidenti.**

25 Dicembre 2008

Indice poesie: <http://www.solfano.it/treppiedi/index.html>

Pagina principale: <http://www.solfano.it>